

Nam apud populum Dei, antiquissima consuetudo est, thuris adhibendi sacrificio divino, ut patet ex lib. Exodi 25. et 30 et sequentibus. Porro Christiani thuris religionem non a Gentilibus, sed ab Hebreis acceperunt.

Causa vero cur thuris odor, ac fumus in sacrificio adhibeatur, ut colligatur ex precibus Liturgie tum Graecæ, tum Latine, est, tum ut significetur bonus odor Evangelii, et eorum qui Evangelium predicare debent; tum ob similitudinem, quam habet incensum cum oratione; unde dicitur in Psal. 140: *Dirigatur oratio mea sicut incensum in conspectu tuo.* Et Apocalyp. 9 incensum Deo oblatum interpretatur Joannes esse orationes Sanctorum: tum etiam ad gloriam Dei representandam. Dens enim in nebula se ostendere solebat in Testamento veteri: tum denique ad tetrum odorem, si quis ex multitudine hominum in Ecclesia existaret, abstergendum.

Tertia ceremonia communis, est osculum: osculatur enim Sacerdos frequenter ipsum altare, deinde librum Evangelii; tum Ministerium, et pericum in universum clerum, et populum pacem diffundit. Quae ceremonia habetur in Liturgiis omnibus, tum Graecis, tum Latinis; et ejusdem meminit Justinus in fine 2. Apologiae. Tertullianus lib. de orat. cap. ult. Cyrillus Catechesi 3. mystagog. et Chrysostomus hom. 77. in Joan. Duplex autem ratio est hujus osculi: nam altare, et librum in signum reverentie osculamur, fratres autem in signum chorialis, et pacis.

Quarta ceremonia est, signum crucis: que omnium communissima, et antiquissima est. Nam signo crucis seipsum Sacerdos consignat, item librum, altare, res offerendas, et oblatas, ac demum populum dum ei representandas.

Notat autem Micrologus lib. de observationibus Ecclesiasticis cap. 14. signum crucis aut semel, aut ter, aut quinque exprimi solere super oblationem, non autem bis, aut quater: quia semel exprimitur ad essentiam divinae unitatem, ter ad personarum Trinitatem, quinque ad quinque plagas Domini representandas.

Esse autem antiquissimam ceremoniam perspicuum est. Primo, ex Liturgiis S. Jacobi et aliorum, que plene sunt ejusmodi consignacionibus. Secundo, ex Chrysostomo

hom. 33. in Matthaeum, et Augustino tract. 118. in Joan. qui dicunt omnia Sacraenta, et ipsum divinum sacrificium signo crucis perfici. Tertio, ex Tertulliano in lib. de Corona militis. Cyrillo Catechesi 4. et 13. et Hieronymo in Epist. ad Eustochium de custodia Virginitatis, qui docent, in omni negotio signum crucis adhibendum. Quod si in omni negotio, cur non in actione tremendi sacrificii?

CAPUT XVI.

De iis, quæ recitantur in Missa Catechumenorum

Restat postrema controversia de veritate Canonis, et aliorum, que in Missa recitantur. Ubi illud est observandum, Missam in quatuor partes dividi solete. Prima est, ab initio usque ad Offertorium, que dici solet Missa Catechumenorum. Secunda, ab Offertorio usque ad Consecrationem, que dicitur a Graecis ἡγετοπόλις, a Latinis nonnullis Canon minor. Tertia, a Consecratione usque ad Communione, que dicitur Canon major. Quarta, a Communione usque ad finem.

DE PSALMO *Judica, et confessione.*

Primum igitur arte Missæ initium pronuntiatur Psal. 42. *Judica me Deus,* et fit generalis confessio. Et quidem Psalmum reprehendere nemo potest, neque etiam confessionem, quatenus fit Deo et proximis adstantibus, sed quatenus fit Sanctis, adversarii eam non probant, quod existimant Sanctos eam audire non posse, cum tam procul absint. Sed Ecclesia Catholica nihil dubitat, Sanctos cognoscere, ut orationes, ita etiam confessiones nostras, tum ex ritu invocationis Sanctorum, qui semper fuit in uso apud veros Christianos, ut fuisse docimus in 1. lib. de Ecclesiis triumphantibus, tum ex miraculis, que omnibus sanctis facta sunt ad Sanctorum invocationem, quorum multa referunt Augustinus XXII. de Civ. Dei cap. 8. Nos igitur confitemur Deo, Sanctis, et Ecclesie presenti, quia omnes offendimus, cum peccamus, ut ille etiam diebat, Luce XV: *Peccavit in celum et coram te* (3).

(1) Psal. CXL, 2. — (2) Psal. XLII, 4. — (3) Luc. XV, 21.

Usus autem confessionis antiquum esse ante Introitum Missæ patet tum ex Micrologi cap. 1. ubi aperie dicit, premitto solere confessionem, tum etiam ex Liturgia sancti Jacobi, que a confessione incipit.

DE INTROITU.

Sequitur Introitus, qui constat ex Antiphona, et Psalmo, cum « Gloria Patri, » Dicitur introitus, quia canitur a choro in introitu Sacerdotis ad altare, ut vult Micrologus, cap. 1 vel ut Conradus Brunus, lib. II. cap. 1 et alii volunt, quia est Introitus, id est, initium Missæ. Convenit fere inter antores, usum Introitus introductum esse a Coelestino I. Pontifice: sic enim scribit Walfridus cap. 22. Micrologus cap. 1. et alii passim. Sed non est hoc ita simpliciter accipendum.

Nam in primis non instituit ipse usum canendi unum versiculum, ut nunc facimus, sed ut Psalmi Davidis 150. antiphonatum canerentur per ordinem ante sacrificium: ut in eius vita scribit Anastasius Bibliothecarius. Sed postea vitande prolixitas causa selecti sunt versiculi aliqui, qui ad excitandam devotionem viderentur aptiores: et Psalmi integri reliqui sunt horis Canonice. Deinde Coelestinus non fuit absolute primus, qui Psalmos ad sacrificium adhibuit, sed forte primus fuit, qui Romanis id observari voluit.

Nam alioquin Dionysius Areopagita cap. 3. Ecclesiastica hierarchia, meminit Psalmorum, qui ad initium Missæ canebantur: et S. Basilios in sua Liturgia circa initium jubet tres aut quatuor versiculos Psalmi cantandi. Sed etiam, a Coelestino hac institutione ortum habuisset, reprehendi non posset, cum Introitus fere semper ex divina Scriptura sumatur, et ab universa Ecclesia iste usus ab annis amplius mille retentus sit.

DE « GLORIA PATRI, ETC. »

Versiculus: « Gloria Patri, et Filio, et Spiritui sancto etc. » qui additur ad Introitum, putatur a nonnullis a S. Hieronymo compositus, rogatur Damasi Papæ: in qua opinione est Aelius, in lib. de officiis divisionis: sed verius est, quod scribit Walfridus in lib. de observationibus Ecclesiasticis, cap. 25. compositum eum versiculum fuisse a Niceno Concilio. Nam autem Hieronymi, et Damasi tempus fuisse usum in Ecclesia ca-

nendi eum versiculum ad finem Psalmorum, patet ex Theodoreto, lib. II. hist. cap. 24. et Sozomeno, lib. III. cap. 19. qui scribunt Antiochiae temporibus Constantii Imperatoris Catholicos, et Arianos in psalmorum fine discerni solitos, quod illi canerent: « Gloria Patri, et Filio, et Spiritui sancto, » isti autem: « Gloria Patri, per Filium in Spiritu sancto ». Basilus etiam de hoc versiculo, « Gloria Patri etc. » disputat in lib. de Spiritu sancto, cap. 28. Testatur quoque Concilium Vasense, quod ante annos 1100. celebratum est, can. 5. non solum Romæ, sed etiam in tota Oriente, et per Africam, post « Gloria Patri, et Filio, et Spiritui sancto, » subiungit solitum: « Sieut erat in principio etc. » Porro epistola duæ, que circumferuntur de hac re, Damasi ad Hieronymum, et Hieronymi ad Damasum, suppositio, et inepli-simæ sunt, et ideo ad tomum IV merito relegatae.

DE « KYRIE ELEISON. »

Sequitur invocatio « Kyrie eleison », quam Graeci Litaniam vocant, a verbo Graeco λατρεύω, quod est, supplicare. Esse autem antiquissimam hanc Missæ partem, patet ex Liturgiis, Jacobi, Basilii, et Chrysostomi. Disserit etiam de his supplicationibus Basilios in epist. 63. quam scribit ad Neocesarenenses. Apud Latinos etiam antiquissima consuetudo est, eamdem Litaniam Graecis vocibus canendi. Nam sanctus Gregorius, lib. VII. epist. 63. cum accusaretur, quod Kyrie eleison, et alia nonnulla ex Graecorum ceremoniis in Latinam Ecclesiam invexit: respondit se ceremonias antiquas Ecclesie Romane conservare, vel renovare, non autem a Gracie accipere; id quod etiam ex eo probat, quod apud Graecos dicatur Kyrie eleison a populo, apud Latinos a Sacerdote; et quod Graeci non interpolant Christi eleison, ut Latini faciunt, sed simpliciter dicant, Kyrie eleison. Esse autem verissimum, quod sanctus Gregorius dicit, non a se introductam Latinam Ecclesiam, hanc supplicandi formam, intelligi potest ex Concilio Vasensi, quod annis centum, et quinquaginta ante Gregorii aetatem celebratum est. Nam in eo Concilio can. 3. jubentur Sacerdotes in Galliis ad Missam dicere Kyrie eleison, et ratio redditur, quod in sede Apostolica, et per omnem Italiam supplicatio illa ad Missas diceretur. Sanctus etiam Augustinus in altercatione cum Pa-

scientio, quae habet inter epistolas numero 178. dict ab omnibus Christianis Gracis, Latinis, Barbaris, supplicari Deo ut miseratur, lingua Graeca.

DE « GLORIA IN EXCELSIS. »

De « Gloria in excelsis Deo, » qui Angelicus hymnus nominatur, tradunt fere omnes, institutionem esse sancti Telephori Papa, ut hic hymnus ad Missas dicatur. Ita Walfridus cap. 22. de observationibus Ecclesiasticis, et omnes alii. Et quidem quod attinet ad prima verba, ea in Evangelio habentur, Luce ii. et recitant etiam in antiquissima sancti Jacobi Liturgia: sed quis adjicerit cetera, non est usque adeo certum. Innocentius III. lib. II. de mysteriis Missarum cap. 20. scribit eam additionem a nonnulli tribui Telephoro, sed a pluribus tamen tribui Hilario Pietaviensi: sed quicumque tandem auctor fuerit, nihil omnino offendens habet, unde etiam Lutheru placuit, ut patet ex ejus lib. de formula Missae.

DE « DOMINUS VOBISCUM. »

Sequitur salutatio: « Dominus vobiscum », qua ceremonia ultimur, quotiescumque populum excitamus, vel ad orandum, vel ad audiendum: unde premititur ante « Oremus » et ante Evangelium, et praefationem, et alia hujusmodi. Itaque est quedam religiosa exortatio, seu invitatio, et script loco adverbi vocandi, quomodo religiosi olim, Augustino teste in Psalm. 32. cum aliis vocarent, dicere solebant: « Deo gratias », quod etiam nunc a multis servatur: quomodo etiam sancta Paula ad virgines convocandas utebatur illa voce: « Alleluia », ut in ejus vita scribit sanctus Hieronymus: et nunc in Monasteriis virginum dicolet: « Ave Maria ». Porro haec salutatio « Dominus vobiscum », sumpta est ex more Hebraeorum, quisalutantes dicebant, Dominus tecum, aut vobiscum, ut patet Iudicium vi. Ruth, II. Paral. xxvii. et Luc. 1.

Scribit de hac salutatione integrum librum Petrus Damianus, qui inscribitur, De Dominus vobiscum, ubi probat debere dici etiam ab iis, qui recitant soli Horas Canonicas: ubi etiam monet in Missa ab Episcopis dici debere: « Pax vobis », loco Dominus vobiscum, quia Dominus, Matth. x. docuit Apostolos, quibus Episcopi succedunt, ut pacem

anuncentient cum ingredenter aliquem locum. Et quamvis Concilium Bracarense I. can. 21 jubeat omnes tum Episcopos, tum Presbyteros in Missa eodem modo populum salutare; tamen servanda est ejusmodi Ecclesiarum consuetudo.

Esse autem antiquissimam cærementiam in Missa, ut Sacerdos populum salutet, perspicuum est, non solum ex Concilio citato, quod ante annos 900. celebratum est, sed etiam ex vetustissimi Liturgiis, Jacobi, Basilii, Chrysostomi, et aliorum, in quibus passim legimus, aut « Pax vobis », aut Dominus vobiscum, et ad utrumque respondetur: « Et cuna spiritu tuo. »

DE COLLECTA.

Post salutationem dicitur Collecta, de qua tria dicenda sunt. Primo, de nomine. Secundo, de antiquitate. Tertio, de forma. De nomine multi multa non admundum probabilia scriperunt: duas sunt veteres opiniones. Una, quod Collecta dicatur, quia paucissimis verbis colligit quidquid pro toto populo a Deo postulandum est. Ita docent Strabo, cap. 22. et Micrologus, cap. 3. Altera opinio, quae fortasse verior est, vult preces illas dici Collectas, per intellectiones figuram ab ipsa Missa celebratione, quae ab antiquis dicebatur Collecta, quia ad eam populus colligebatur: fuisse enim ab antiquis Missæ celebrationem appellatam Collectam patet ex illis verbis S. Augustini, in breviculo collationis, collatione tertii diei: « Confitebantur se Collectam, et Dominicum egisse. » Exstant apud Surium in fine primi tomii acta Martyrum quorundam, et videntur esse illa, que Augustinus citat, in quibus frequentissime legimus, Collectam facere, seu celebrare, pro eo, quod est Missa celebrare. Hinc etiam Tertullianus in lib. de fuga in persecutione, extreme: « Quomodo colligemus, inquit, quomodo Dominica solemnia celebrabimus? » Hinc igitur oratio, que dicitur in Missa, Collecta dicta esse videtur, quia est finis: imo etiam principium, et medium totius illius actionis, que Collecta dicebatur. Orationes enim dicuntur eodem numero et ordine initio Misæ, in medio, et in fine: quia etiam ratione aliquando eadem Collecta, dicuntur Misæ, quia sunt pars quedam, eaque non minima Misæ. Hæc de nomine.

Porro antiquitas inde cognosci potest,

quod usus semper fuit in Ecclesia, ut numquam Christiani congregarentur, quin finis esset oratio, ut patet ex Justino Apologia 2. extrema, et Tertulliano in Apologetico cap. 39. imo et Apostolo hoc precipientे I Tim. II. Collectæ autem nostri Missalis, que sane pulcherrimas sunt, ab antiquis Pontificibus composite, et a S. Gregorio in unum congregata credentur, ut Walfridus Strabo significat cap. 22.

Quod ad formam attinet, prescribitur in Concilio III. Carthaginensi, cap. 23. ut oratio, que in Missa dicitur, dirigatur ad Patrem, nec tamen inde sequitur, Filium, et Spiritum sanctum non esse invocandos, vel in Missa non invocari. Nam ut Tertullianus in lib. de orat. recte doct. propter essentia unitatem, semper in Patre intelliguntur Filius, et Spiritus sanctus. Idem videmus in oblatione sacrificii, que proprie ad Patrem dirigitur, ut patet ex illo initio Canonis: « Te igitur, elementissime Pater, per Jesum Christum », et tamen sacrificium toti Trinitati offerunt, ut probat S. Fulgentius lib. II. ad Monimum cap. 2. 3. 4. et 5. imo ex conclusione Collectar aperte colligitur, cum Patre simul invocari Filius, et Spiritum sanctum: dum enim dicimus Filium, et Spiritum sanctum cum Patre vivere et regnare per omnia saecula saeculorum; simul indicamus nos cum Patre Filium et Spiritum sanctum invocare.

Cur autem Collectæ ordinariae dirigantur ad Patrem, non ad Trinitatem, due sunt causa. Una, quia Dominus ita docuit nos orare Matth. VI: *Pater noster qui es in celis*, et Joan. XVI: *Quidquid petieritis Patrem in nomine meo*. Altera, quia debet semper oratio concludi per Christum, cum sit ille advocatus noster, per quem omnia petimus. Incommodum autem fuisset dirigere orationem ad Trinitatem, et concludere: « Per Filium tuum, etc. » videremur enim eo modo facere Christum Filium Trinitatis; quod si omisso voce Filii, diceremus: « Per Christum Dominum nostrum, » videremur dividere Christi personas, nam unam includeremus in Trinitate, quam invocamus, alteram excluderemus, per quam invocamus. Tolluntur autem omnia incommoda, cum dirigantur ad unam personam: et quia persona Patris est prima, et ab illa cætere originem ducent, visum est optimum, ut quando ad u-

nam personam dirigendæ erant, ad Patrem dirigentur. Sunt tamen quedam Collectæ, que diriguntur ad Filium, et concluduntur: « Qui vivis et regnas etc. » Sed ea pauca sunt, et fortasse non tam antiquæ, quam aliae; fortasse etiam dedita opera voluit Ecclesia alias Collectas dirigiri ad Filium, ne homines crederent, non posse disertis verbis invocari nisi Patrem.

Finaliter, respondetur, Amen, quod significat, vere, seu fideler: a verbo Hebrewo τεκνον, quod in Hiphil significat credere, et in Niphil, stabilere esse, Graci vertere solent γιαντα, fiat: optat enim qui id respondet, vere et fideler ita fieri, ut in oratione postulatur. Esse autem usum antiquissimum respondendi « Amen », ut patet ex Apostolo I Corinth. XIV: *Qui supplet locum idiote quomodo respondebit, Amen?* (2) Idem patet ex Justino in 2. Apologia extrema Hieronymo in Prologo lib. II. in epistola ad Galatas: et Augustino in epistola 107. ad Vitalem.

DE EPISTOLA.

Post Collectam sequitur lectio ex Prophetâ, vel Apostolo: quem morem antiquissimum esse, patet ex Justino Apologia 2. citata, ubi dicit, in Synaxi lectiones ex Prophetis, et Apostolis legi consuevit. Idem patet ex Tertulliano in Apologetico cap. 39. ex Dionysio, cap. 3. de Ecclesiast. hierarch. Videtur autem hic mos ab Hebreis accepitus, apud quos per omne Sabbathum, adhuc hodie leguntur in Synagogis lectiones ex Prophetis. Vide Luc. 4. Actor. 13. 15. 17. et 18.

DE GRADUALI, ALLELUIA, TRACTU, PROSA.

Lectione finita, leguntur aliquot versiculi, qui ut plurimum ex Scripturis sumuntur. Et quidem in Græcorum Ecclesia, antiquissima consuetudo est aliquid interserendi inter Epistolam, et Evangelium, ut patet ex Liturgia Chrysostomi: apud Latinos non videtur usque adeo antiqua universalis consuetudo. Nam in Concilio Toletano IV. celebrato ante annos 900. canon. II. prohibentur Laudes post Epistolam, tamen postea Romana consuetudo interserendi Gradualia, et alia ejusmodi, paulatim omnibus placuit, et

(1) Matth. VI. 9; Joan. XVI 23. — (2) I Corinth. XVI. 16.

ubique recepta; et approbata fuit, ut scribit Walfridus cap. 22.

Sunt autem quatuor genera horum versicolorum: nam ali dicuntur Responsorium seu Graduale, ali Alleluia, ali Tractus, ali Sequentia, seu Prosa. Responsorium dicitur, quia uno incipiente ali respondent, ut scribit Rabanus lib. II. de Institut. Clericorum cap. 31.

Cur autem Graduale dicatur, non codem modo ab omnibus traditur: vera ratio esse videtur, quam trudit B. Rhenus ad annotationibus ad librum Tertulliani de Corona militis, quod scilicet dicatur Graduale, quia canebatur dum Diaconus gradus ascenderet ad Evangelium decantandum. Ex quo etiam intelligi potest, cur ejusmodi versiculi decantentur, nimurum ne otiose transigeretur tempus illud, quod necessario interponendum erat inter Epistolam, et Evangelium, dum se Diaconus ad illud cantandum prebarabat. Fuisse autem morem Ecclesie, ut Evangelium ex loco altiore caneretur, quod etiam nunc in multis loci observatur, perspicuum est ex illis verbis Ordinis Romani: « Cum ascendit Diaconus ad legendum Evangelium, solus ascendit ultimus gradus. » Et Cypriano lib. II. epist. 5. ubi de Aurelio Confessore, quem ad legendum in Ecclesia Evangelium ordinaverat, dicit eum ad pulpitum post catastropham venire. Denique in antiquis Ecclesiis ubique inventumur lapidea pulpita in usum Evangelii legendi instituta: que a Microloge cap. 9. et ab aliis dicuntur Ambones, Graco vocabulo: nam ab ἀρέστω, asendo, fit ἀρέσω, quod in Concilio Laodiceo cap. 15. Latinus interpres verit, pulpitum.

Porro Alleluia, quod significat, Laudate Dominum, canitus post Graduale, teste Walfrido cap. 22. et ejus loco in diebus jejuniiorum dici solet Tractus, qui sunt ali versiculi ex Scripturis desumpti: dicuntur autem hi versiculi Tractus, quia graviter, et tractum cani debent in signum mortis, ut placet Durando. Denique in festis solemnissimis, ut in Paschate, et Pentecoste addi solet Sequentia, seu Prosa, qui sunt versus quidam rhythmicis.

Nihil horum a Lutheru reprehenditur, nisi quod non dicamus semper Alleluia: quocirca statuit ipse in formula Missae: ut etiam in Quadragesima, et in ipsa Hebdomada sancta

decanetur Alleluia. Sed recedit in hac rem omnino temere ab usu antiquitatis. Nam in primis in Concilio Toletano IV. can. 10. expresse eavetur, ne in Quadragesima canteret Alleluia. Augustinus in epistol. 119. cap. 15. dicit, usum fuisse celeberrimum, ut solum a Paschate, usque ad Pentecosten quotidie, et in Dominicis dies caneretur Alleluia, in signum letitiae, ob Christi resurrectionem. Et S. Gregorius aliquando reprehensum fuit, quod extra tempus Pentecostes ad Missas cani juheret Alleluia; numerum in omnibus festis; exceptis iis, qua incidentur in Septuagesimam, et Pascha: quibus ipse respondet, usum istum non a se incipere, sed introductum tempore Damasi, auctore S. Hieronymo. Vide lib. VII. epist. 63. ad Joan. Syracusanum Episcopum. Esse autem certum est, Alleluia, et merito intermitte in diebus penitentiae et luctus, patet ex Scriptura divina. Nam Tobia 13. ubi describitur gloria ecclesie Hierusalem, inter alia legitur: « Et per vicus ejus Alleluia eructabitur (1). » Et Apocalyp. xix. describitur letitia Sanctorum, qua erit in celo post diem Iudicii: « Et audiri, inquit, quasi vocem turbæ magnæ, et sicut vocem aquariorum multarum, et sicut vocem tonitrurum magnum dicentium, Alleluia, gaudemus, et exultemus etc. (2) »

Unum hic addi potest ex Ruperto lib. I. de divinis officiis cap. 34. Graduale, esse versiculos ad penitentiam pertinentes: et ideo tempore Paschali omitti, et ejus loco duplicari Alleluia, quia totum illud tempus remissionis, et letitiae est: sicut et contrario a Septuagesima usque ad Pascha omitti Alleluia, et duplicari ea, que ad luctum, et penitentiam pertinent.

Sequuntur deinde lectio Evangelica, quam antiquissimam esse constat, non solum ex omnibus Liturgiis, sed etiam ex Concilio Laodiceno cap. 16. Carthaginensis IV. can. 84. et Valentino can. 2. Item ex Patribus, Chrysostomo hom. 6. de penitentia, et hom. 3. in posteriorum ad Thessalonicenses, Augustino prefat. in epist. Joan. ubi meminit certarum lectionum ex Evangelio, que profestorum diversitate legebantur, Hieronymo in epistola ad Sabiniianum Diaconum, ac de mun ex epist. decretali Anastasi Papæ I. ubi jubentur omnes stantes Evangelium audire, ob reverentiam Domini loquentes. Quam ceremoniam non ipse primus instituit, ut multi

(1) Tob. XIII, 22. — (2) Apocal. XIX, 6. 7.

putant, sed confirmavit, et observari mandavit, etiam in his locis, ubi non servabantur. Clemens enim lib. II. constitut. cap. 57. alias 61. dicit, Apostolos hoc præcepisse, ut omnes cum clerici, tum laici assurgant, cum legitur Evangelium.

Porro ceremonia petenda benedictionis ante Evangelium, et excusatio populi, per illa verba: « Sequentia sancti Evangelii secundum Matthaeum »; et responsio: « Gloria tibi Domine, et habentur etiam in Missa S. Joannis Chrysostomi; et apud Amalarium lib. de officio Missæ cap. 18. et Alcuinum in lib. de officiis divinis.

DE SYMBOLO.

Symbolum recte post Evangelium pronuntiatur, quia fides ex auditu verbi Dei sequitur. Usus autem Symbolum Constantiopolitanum in Missa canendu, apud Orientales antiquior est, quam apud Occidentales: nam in Missa Chrysostomi expresse habetur, et idem ex Concilio III. Toletano colligitur, quod tamen Concilium ante annos circa 1000. celebratum est; in eo enim Concilio can. 2. statuitur, ut juxta morem Orientalium Symbolum dicatur ad Missam singulis Dominicis diebus. Scribit etiam Walfridus Strabo cap. 22. apud Germanos, et Gallos, usum Symboli ad Missas recitandis, tempore Caroli Magni potissimum invalusisse, occasione Felicis Urgelitani Episcopi, qui eo tempore haereses damnatus fuerat.

De Offertorio, et Praefatione.

DE OFFERTORIO.

Offertorium ordine sequitur quod ex Scripturis perpetuo sumitur, et inde nomen accepit, quod caneretur dum populus offerebat, ut Walfridus tradit cap. 22. et Micrologus cap. 10. Quinque autem illæ orationes: « Suscipe sancte Pater: Offerimus tibi Domine: Veni sanctificator: In spiritu humilitatis, et contritionis, ut sacrificium inchoatum ita peragat, ut etiam ex parte sua Deo placeat: neque peccat offerendo sine certa fide proprie dignitatis, quia non tenetur habere istam certitudinem, sed solum tenetur non habere conscientiam peccati, dicente Paulo: Probet seipsum homo etc. (1) »

(1) I Corint. XI, 18.

Quarto objicit, cur dicatur in illa oratione : « Veni sanctificator etc. » sacrificium præparari cum jam ante sit oblatum. Respondeo : Illa prior oblatio, præparatio fuit ad posteriori oblationem, in qua proprii sacrificium consistit, proinde recte dicuntur præparatum sacrificium, quando materia sacranda Deo, per quamdam oblationem est dedicata.

DE PRÆFATIONE.

Offertorio finito, et materia sacrificii præparata, lotisque manibus, et oblatione Deo commendata per secretas Collectas, dicitur Præfatio, quidem hoc nomine appellatur, quia est præparatio, et excitatio populi ad illam actionem, in qua proprii sacrificium consistit. Ac primum illa verba : « Per omnia saecula sæculorum, » pertinent ad superiores orationes silentio recitatas, sed dicitur alla voce ista conclusio, ut populus responderet possit, « Amen ; » et ea voce confirmet superiores orationes, ita scribit *Microlagus*, cap. 7.

Deinde incepit Præfatio per illud : « Dominus vobiscum, » et usque ad ea verba : « Vere dignum, et justum est, » habetur in antiquissimis anctioribus Græcis, et Latinis. Nam ut omittat Liturgias, in quarum nulla deest haec præfatio, meminerunt horum verborum Clemens lib. viii. constit. cap. 46. Cyprianus in serm. 6. de orat. Dominicana. Cyrillus Hierosolymitanus Catechesi 5. mystagogica. Chrysostomus passim, ut hom. de Eucharistia : « Quid facis, o homo, non promisiisti Sacerdoti, qui dixit, Sursum corda, et dixisti, Habemus ad Dominum ? » Vide etiam homil. 4. de natura Dei, et Augustinus non minus frequenter, ut in epistola 37. ad Dardanum, et 120. ad Honoratum, et 156. ad Probam, lib. de spiritu, et litera, cap. 11. lib. ii. de bono perseverantie cap. 13.

Refiqui verba, usque ad illum versum : « Sanctus, Sanctus etc. » non sunt eadem in Græcis, et Latinis Liturgiis : tamen quæ in nostra, id est, Romana Ecclesia Liturgia habentur, certum est antiquissima esse. Nam ante annos 1000. Pelagius II. Papa interrogatus ab Episcopis Germaniæ, et Galliæ, quænam essent, et quæ authenticae Præfationes, respondit esse novem. Primam, de Natali Domini. Secundam, de Epiphania. Teriam, de Quadragesima. Quartam, de Cruce. Quintam, de Pascha. Sextam, de As-

censione. Septimam, de Pentecoste. Octavam, de Trinitate. Nonam, de Apostolis. Vide epistolam Pelagi, et Gratianum can. Invenimus, de consecrat. dist. 1. Decimam Præfationem, quæ est de S. Maria, addidit Urbanus II. in Concilio Placentino circa annum Domini 1080. teste Gratiano, can. Sanctorum, dist. 70.

SANCTUS, SANCTUS, ETC.

Fizita Præfatione dicitur Canticum : « Sanctus, Sanctus etc. » quod quidem partim desumptum est ex hymno Angelorum, quem Isaías cap. vi. audivisse se narrat ; partim ex cantico Hebreorum, quod Christo cecicerunt, cum in die Palmarum intraret in Iherusalem, Matth. 21. et habetur in antiquis Liturgiis, Jacobi, Basili, et Chrysostomi : et de eo existat peculiaris Canon in Concilio Vasensi, can. 4 alias can. 6.

CAPUT XVIII.

De nomine Canonis.

Nunc ad sacrum Canonem a morsibus impiorum Lutheranorum defendendum aggregandum : quem quidem ut summa veneratione semper Catholicici retinuerunt, ita incredibili furori hæretici hujus temporis lacerant.

Lutherus in lib. de abrog. Missa, ut se ex malitia, non ex ignorantia peccare ostenderet, ita loquitur : « Et quamquam habeamus quod pro sano sensu Canonis dicere possim, ut alias feci, tamen nunc non dignabor eum tali honore, » et ibidem multa somnata, et jocos plane impios, et blasphemos jacit in sacrum illud mysterium. Sed longe adhuc furiosius agit in lib. de abominatione Canonis, ubi ita rem amplificat, ut velit homines auditio nomine Canonis signare se cruce, et fugere, ac si illi diabolus occurisset.

Martinus Kemnitius in. 2. par. Exam. pag. 823. et sequentibus, de Canone disputat, ac quatuor sunt, quæ præcipue reprehendit. Primo, quod ritum illum celebrande Missæ Canonem esse velimus, id est, regulam fixam, et stabilem : vellet enim ipse, liberum esse debere ut his, aut illis precibus. Secundo, quod auctorem Canonis Tridenti-

nun Concilium faciat partim Christum, partim Apostolos, partim antiquos Romanos Pontifices : ipse autem probat auctorem fuisse quemdam Scholasticum, teste S. Gregorio. Tertio, « quod antiquum esse affirmamus : » Fumi, inquit, et nuga sunt, quod de antiquitate Canonis fabulantur. » Quarto, quod nullum errorum in toto Canone inventi proueniunt : enumerat autem ipsi errores septemdecim.

Scriptis etiam multa contra Canonem Misæ Georgius Major, Zwinglius, Illyricus, et alii. Nos igitur primo, de nomine Canonis. Tum de auctore. Deinde, de antiquitate. Postremo, de veritate ejusdem, et singula-
rum eius partium disseremus.

Quod ad primum attinet, exstat hoc no-
men in hac significatione apud S. Grego-
rium lib. vii. epist. 63. ubi ratione reddit,
cur post Canonem recitari voluerit orationem
Dominicam. Apud Ambrosium, sen-
quicunque fuit auctor in comment. cap. ii.
epist. prioris ad Timotheum, vocatur regula
Ecclesiastica, quæ omnes Sacerdotes utuntur
apud Optatum Milevitaniæ Ambrosii aqua-
lem lib. ii. contra Parthenianum, vocatur
Legitimum : « Nam quis dubitat, inquit,
vos illud legitimum in Sacramentorum
mysterio præterire non posse ? Offerre vos
Deo dicitis pre Ecclesia, quæ una est etc. »
Ubi legitimum vocat statum, et certum ordi-
nen pœcum, quibus in consecranda Eucha-
ristia uitum, in eis ordinis initio offerre
nos dicimus pro Ecclesia, Isidorus lib. i. de
officiis divinis cap. 13. vocat Ordinem pre-
cum, quo oblata Deo sacrificia consecrantur.
Walfridus cap. 22. vocat tum Actionem,
tum Canonem, quibus duabus vocibus omnes
postiores utuntur : dicitur autem Actio illa
pars Missæ, quæ in ea celebratur actio sacri-
ficii : catena enim verba sunt potius,
quam actiones. Propter haec nomina, Canon,
Regula, Legitimum, Ordo, satis aperte indi-
cant, apud veteres ordinem celebrandi non
fuisse arbitriarum, ut Kemnitius vellet, sed
ab Ecclesia ita præscriptum, ut qui secus
facerent, plane prævaricari legem judica-
rentur.

Sed objicit Kemnitius pag. 833. duo argu-
menta. Unum ex Concilio Africano. can. 70.
et Milevitano, can. 12. ubi præscribitur, ut
in Missa non dicantur preces, nisi quæ prius
sint cum prudentioribus viris collatae, aut a
Synodo approbatæ, ne forte aliiquid contra
fidem contineant : hinc enim colliguntur, non

fuisse antiquo tempore præscriptum certum
Canonem orationum, qui omnes obligaret,
sed permisum fuisse, ut quisque compone-
ret preces, modo ea analogæ essent fidei.
Alterum argumentum sumit ex diversitate
Liturgiarum, Basili, Chrysostomi, Ambrosii,
Gregorii, Isidori.

Sed haec argumenta nihil concludunt.
Nam in primis Canones Conciliorum citato-
rum non loquuntur de Canone Misæ ; sed
de Collectis, quæ semper fuerunt multiplices
et variae. De Canone enim Misæ jam au-
divimus Optatum Episcopum Milevitaniæ
dicentem, legitimum esse, et prætermitti non
posse.

Neque negamus verba Canonis diversa
fuisse, et etiam hodie esse apud Graecos, et
apud quadam Latinorum Ecclesias ; neque
cogit Romana Ecclesia, ut Kemnitius menti-
tur pagina 836. ut omnes Canonem Misæ
Romana tanquam necessarium omnino ad
Eucharistiam consecrandam servent : Nam
et in ipsa Urbe Roma, et alibi per Italiam,
videmus Romano Pontifice consentiente, a
Græcis retinere Liturgiam Basili, vel Chry-
sostomi, et Mediolani, Ambrosianam, et To-
leti in Hispania, quam dicunt, Mozarabam.

Sed quod asserimus, est, ordinem sacrificii
celebrandi rectissime Canonem nominari,
quod debet esse certus, et ab illis prescri-
ptis, qui legitime in Ecclesia president, non
autem in arbitrio cuiuscum positus. Quocirea
merito reprehendimus, Lutherum et Calvi-
num, et similes, qui propria auctoritate,
cum reveri privati homines essent, ausi sunt
mutare ordinem a summis Pontificibus in-
stitutum, et in Ecclesiis Germanicæ, et Gallie
ab annis, ut minimum 800. conservatum.

CAPUT XIX.

De Auctore Canonis.

Jam vero, quod attinet ad auctorem, non
est unus anctior totus Canon Misæ Roma-
næ, sed ut Concilium Taideuminiæ recte do-
cat, session. 22. cap. 4. parvum constat ver-
bis Domini, partim Apostolica traditione,
partim sanctorum Pontificum institutione.
Primus quidem, qui formam aliquam sa-
crificii celebrandi, adjunctis nimis ad
verba Domini certis precibus, et ritibus, Ro-
manæ Ecclesiæ dedit, S. Petrus fuit, ut Işı-

dorus testatur lib. 1. de officiis cap. 15. sed postea tamen diversi Pontifices preces diuersas addiderunt, usque ad Gregorium I. qui fuit ultimus eorum, qui ad Canonem aliquid adjunxerunt, ut ex Walfrido colligi potest, lib. de observationibus Ecclesiasticis cap. 22.

Ubi illud etiam est observandum, quod licet quedam Liturgia dicatur Basili, alia Chrysostomi, alia Ambrosii, alia Gelasii, seu Gregorii, nostra videlicet Romana, alia Isidori: non tamen isti auctores Liturgiam de integro composuerunt, sed solum eam, que suo tempore erat in usu, ad meliorem formam redegerunt, vel detrahendo, si quid irrepererat minus convenientis, vel addendo aliquid pro tempore varieitate, vel denique ob tedium vitandum aliquid inde subtrahendo, sicut tamen, ut substantiales partes Liturgie ab Apostoli institute, integræ permanent. Nam S. Gregorius Gelasianum codicem correatvit; ut scribit Joannes Diaconus, lib. II. vita Gregorii cap. 17. et ipse epist. 73. lib. VII. asserit, se restituisse in Missa antiquas consuetudines, et sustulisse quaedam, que postea irrepererant: itaque fuit auctor non institutionis, sed reformatio- nis Liturgie. Gregorius item VII. iterum emendavit officium Ecclesiasticum, sed (ut ipse testatur, canon. In die, de consecrat. distinct. 5.) non novum instituit, sed auti- quum reduxit: quod nostris diebus fecit etiam Pius V. tum in Breviario, tum in Mis- sali restituendo, unde dicitur Missale Pii V. seu Missale novum, cum tamen non sit ab- solute novum, sed antiqui emendatio, et restituatio.

Sed in his que diximus de auctore, Kemnitius primo reprehendit, quod habeamus Canonem ab auctoribus multis compositum.

At inanis est ista reprehensione. Nam etiam Symbolum Apostolicum est una simplex fi- dei confessio, et tamen composita est a duodecim Apostolis, singulis sententiis suam adjacentibus, ut S. Leo scribit in epist. 13. ad Pulcheriam, et ante Leonem Ruffinum in explicatione Symboli, et Augustinus ser- mon. 113. de tempore. Et deinde idem Sym- bolum auctum, sive explicatum fuit in Con- cilio Niceno, et Constantinopolitano, unde tandem prodit, symbolum illud plenius, quod proprie Constantinopolitanum vocatur. Liber item Psalmorum multos auctores ha- bet, si sancto Hieronymo credimus, in epi-

stol. ad Sophronium, et in alia ad Cypri- num, cum tamen unicus liber censeatur. De- nique id est maxime admirandum, et com- mendandum, quod Canon Missæ sit multo- rum auctorum, et tamen ita apte partes om- nes inter se jungantur, et cohærent, ut unus auctoris videatur.

Secundo objicit Kemnitius S. Gregorii testimoniū lib. VII. epist. 63, ubi duo quædam scribit sententie nostræ, ut apparet, contraria. Unum est, Apostolos ad solam Dominicam orationem Eucharistiam conse- crare solitos; ex quo refelli videtur, id quod nos diximus, auctorem nostri Canonis fuisse Beatum Petrum, et multa in Canone haberet ex Apostolica traditione. Alterum est, Cano- nem compositum a Scholastico quodam: Scholasticum autem esse nomen proprium alicuius hominis, probat Kemnitius ex eodem Gregorio lib. II. epist. 54. et lib. IX. epistola 14. Quod si Scholasticus auctor Canonis fuit, non igitur verum est, quod nos cum Tridentino Concilio diximus, Cano- nem partim a Christo, et Apostolis, partim a sanctis Pontificibus compositum fuisse: nullus enim Apostolus, aut Pontifex fuit, qui proprio nomine Scholasticus diceretur.

Hoc argumentum pene totum accepit Kemnitius ex Beato Rheniano in annotatio- nibus ad librum Tertulliani de Corona militis: sed non erit difficile respondere. Ac primum non desunt, qui negent Aposto- los unquam ad solam Dominicam orationem Eucharistie mysterium celebrasse. Videatur enim Gregorius id accepisse ex Hieronymo in lib. contra Pelagianos: sed Hieronymus dicit, Apostolos Dominice praecipito ad celebrazione Eucharistie adhibuisse orationem Dominicam, non autem dicti solam Dominicam orationem adhibuisse.

Sed quidquid de hoc sit (non enim facile repudiandum est, quod S. Gregorius scri- psit, neque est verisimile tantum virum non animadversuisse, quid Hieronymus ante scri- peret) respondeo, quod non semel supra docuimus, Apostolos initio solam Domini- canam orationem ad verba consecrationis in mysterio Eucharistie addere solitos, tamen postea cosdem Apostolos multa alia adjun- xisse: nam certe orationem pro defunctis in sacrificio Missæ ex Apostolica traditione de- scendere, constanter docet S. Joannes Chrysostomus, homil. 3. in epist. ad Phi- lippenenses, et alibi.

Quod autem de Scholastico Gregorius

CAPUT XX.

417

scribit contra sententiam nostram non pug- nat. Nam in primis non constat, Scholasti- cum eo loco esse nomen proprium: non enim quia tempore Gregorii aliqui nomine proprio dicebantur Scholastici, ideo ubicumque inveniuntur hoc nomen, ita accipiendum est, ac si alieni esset proprium; quin potius longe probabilius est, per Scholasticum eo loco intelligi virum insignem eruditum, et elo- quentia. Sic Hieronymus lib. de Scriptori- bus in Serapione, scribit, Serapionem virum doctissimum, ob ingenii elegantiam, Scholasti cognomen adeptum. Sanctus Gregorius lib. x. epist. 2 vocat Mattheum Scholasti- cum, virum clarissimum: et Genadius in Catalogo scriptorum vocat Prosperum ser- mone Scholasticum, id est, eloquentia erudi- tione prestantem: et Honorium in Catalogo Scriptorum, vocat Alcuinum officio Scho- lasticum. In eodem sensu accepit Scholasti- cum in tractatu super Psalmum XLIV, sanctus Augustinus, Tales erant presbyteri quidem doctissimi, qui praefiebant olim schole Christianæ, ad eos erudiendos, qui ex Judæis, aut Gentibus ad Ecclesiam venie- bant: quales fuerunt Pantenus, Clemens Alexandrinus, Origenes, et alii. Denique adhuc hodie in quibusdam Ecclesiis, et nomen, et dignitas Scholastici perseverat, licet ipsa functio pene cessaverit.

Jam igitur si apud Gregorium accipiatur Scholasticus nomen pro homine doctissimo in universum, admittere possumus, totum Canonem, exceptis verbis Domini, a Scholastico compositum, quia nimur et S. Pe- trus, et cæteri sancti Pontifices Scholastici dici possunt. Neque hoc est alienum a senten- tia S. Gregorii: ille enim non loquitur de Scholastico per contemptum, sed cum op- ponit Christo, ut hominem Deo, ac si diceret: Si oratio ab homine composita super oblationem recitat, quanto magis reci- deret oratio composita ab ipso Deo?

Si vero Gregorius per Scholasticum intel- ligat certum aliquem hominem, qui atque ipsius vixerit, ut adversarii, contendunt, tum responderemus cogimur, S. Gregorium non loqui de Canone, cum dicit, preceum Scho- lastici recitari super oblationem, sed de ali- qua alia prece extraordinaria, quales sunt tres illæ, quæ dicuntur ante Communione, post « Agnus Dei », quæ ut scribit Microlo- gus, cap. 48, non sunt de Canone, neque ex ordinario prescribuntur; sed ex consuetu- dine religiosorum recitantur. Id autem ita

esse, certum est, quia orationes quæ sunt in Canone, inveniuntur magna ex parte apud Ambrosium, ut paulo post demonstrabimus, et proinde non potest fieri, ut composite fuerint tempore Gregorii, qui ducentis annis Ambrosio posterior fuit.

Neque haec explicatio abhorret a verbis S. Gregorii: nam ille scribit se accusatum fuisse, quod jussisset orationem Dominicam recitari mox post Canonem; et respondet id se fecisse, quia indignum existimat orationem a Scholastico compositam super obla- tionem dici, et ipsam Christi orationem super corpus ejus non dici: quibus verbis indicat Gregorius se non agere de Canone, sed de orationibus, quæ dicebantur post Canonem. Et quidem ante ipsum tempora post Canonem ante Communione videtur in iis fuisse, ut diceretur aliqua oratio a Scholastico composita: oratio autem Domini- nica vel diceretur post Communione, oblatione consumpta, vel non diceretur. Sed Gregorius hunc ordinem mutavit, et volunt ut oratio Dominicæ diceretur mox post Ca- nonem, adhuc in altari corpore Domini pre- sente, oratio autem Scholastici sequeretur. Ex his duabus sententiis utraque probabilis est, et neutra contra nos facit.

CAPUT XX.

De antiquitate Canonis.

Superest nunc, ut de antiquitate dicamus. Ac primum, rideunda videtur Kemnitii levitas, qui pag. 828, nugas, et fumos esse- dicit, quod Concilium scripsit, Canonem Missæ multis ante saeculis institutum, et tam- pag. 826. idem Kemnitius affirmaret Canonem absolutum intra primos sexcentos a Christo nato anno et pagina 827. scribit, Canonis auctorem vixisse circa annum Do- mini 390. quod etiam repeatit pag. 828. ubi ultimum auctorem Canonis facit Gregorium anno 390. Nam si Canon anno Domini 390. absolutus est, quis non videt cum ante decem- centi proemodi secula institutum, et proinde verum esse, quod ait Concilium, et Kemnitius sibi ipsum esse contrarium in eadem pagina? Deinde querendum esset ab istis, qui negant, Canonem nostrum esse antiquum, ut ipsi sui Canonis vetustatem ostenderent: quale enim est, ut ii Canonem

nostrum tanquam novitium contemnunt, quem ante annos prope mille editum esse fatentur; cum ipsi Canonem habeant, si tamen Canon dici meretur, hoc ipso nostro seculo editum?

Sed his omissis, veram antiquitatem nostri Canonis ostendamus. Primum igitur illud constat, Canonem nostrum integrum, ut eum nunc in Missalibus habemus, fuisse in usu Ecclesie ante annum Domini 800. Nam extat in Ordine Romano, non procul ab initio, quem Ordinem citant Alcuinus, et Amalarus, qui tempore Caroli Magni vixerunt, Deinde Aleuinus in lib. de officiis Ecclesiasticis, cap. de celebrazione Missæ, totum Canonem verbatim exponit: ac deinceps ab omnibus aliis posterioribus idem omnino Canon exponitur, ut ab Amalario, Hugone, Ruperto, Innocentio, et ceteris. Porro Ordo Romanus non instituit Canonem; sed referit, ut rem usitatam et celebrem in Ecclesia. Quare necesse est Canonem esse aduite antiquorum, quam sit Ordo Romanus.

Quamvis autem non extet fortasse alius liber Ordine Romano antiquior, ubi totum Canon habeatur, tamen exstant libri multo antiquiores, ubi habentur partes Canonis, ex quibus conjectura fieri potest de reliquis.

Ac primum apud Ambrosium, lib. iv. de Sacramentis, cap. 5. et 6. habetur verbis parum mutatis illa pars Canonis: « Quam oblationem tu Deus in omnibus, quas sumus, benedictam, adscriptam, ratam etc. » Et illa: « Qui pridie, quam patreter etc. » Et illa: « Unde et memores etc. » Et illa: « Supra que propitio etc. » Que sunt quatuor partes potissimum totus Canonis: due enim proxime praeceperunt, duas proxime sequuntur consecrationem. Et quoniam S. Ambrosius non primus instituit has partes Canonis, sed eas allegat ex antiquo rite Ecclesie ad confirmandum id, quod co loco tractabat de veritate corporis Domini in Eucharistia: sequitur necessario, ut earum institutio Ambrosii etatem praeceperit, proinde ante 4200. annos in usu fuerit. Idem Ambros. lib. iv. de Sacramentis, cap. 4. aperte meminit prima orationis Canonis, ubi oratur pro Ecclesia, et pro rege, licet ipsa verba non ponat: ejusdem etiam meminit Optatus, lib. ii. contra Parmenianum, ubi dicit, Legitimum esse, ut offeratur pro Ecclesia Catholica. Illius autem orationis, ubi nominantur et invocantur Sancti, et illius, ubi oratur pro

defunctis, meminit Augustinus tract. 84. in Joannem; imo earum orationum mentionem faciunt plurimi Patres, quos supra in propriis locis adduximus. Itaque totus Canon partim quoad sententiam, partim etiam quoad verba, inventur in auctoribus, qui ante 4100. vel 4200. annos floruerunt.

His accedunt aliquot conjecturae insigne ad probandam Canonis antiquitatem. Prima conjectura est, quia in toto Canonе nulla fit mentio Confessorum, aut Virginum non Martyrum, sed Martyrum tantum, seu virorum, seu feminarum: quod etiam notavit Augustinus, lib. de sancta Virginitate, cap. 45. Huius autem rei causa nulla est alia, nisi quam reddit Innocentius, lib. iii. cap. 10. de mysteriis Missæ, quia videlicet eo tempore Canon compositus est, quo nundum ceperant publice coli in Ecclesia sancti Confessorum. Siquidem certum est, Martyres cepisse publice invocari, et eorum nomina dies festos coli, et Basilicas erigi, ab initio plane Ecclesia: Confessores autem multo serius hunc honorem in Ecclesia meruisse. Constat autem ex Concilio Moguntino, sub Carolo Magno celebrato, can. 36. festa Confessorum jam in usu fuisse anno 800. Siquidem in Catalogo festorum diuinorum ponuntur dies festi S. Martini, et S. Remigii: igitur ante annum Domini 800. Canonem compositum fuisse necesse esse.

Secunda conjectura est, quia veteres diligenter annotarunt paucam quadam verba, quæ aliqui Pontifices ad Canonem addiderunt. In vita Leonis I. scribit auctor Pontificialis, addita fuisse a Leone illa verba ad Canonem: « Sanctum sacrificium, immaculatum hostiam »; eius rei, ut valde notabilis, meminerunt etiam Strabo, cap. 22. et reliqui antores, quæ de Missa scribunt. Gregorius I. addidisse ad Canonem paucam illa verba: « Diesque nostros in tua pace disponas etc. » non solum annotarunt Strabo loco citato, et similes auctores, sed etiam Beda lib. ii. histor. Anglicana, cap. i. et Joannes Diaconus lib. ii. vita B. Gregorii, cap. 17. Hoc autem est argumentum certissimum, Canonem esse antiquorem Leone et Gregorio, et habitum semper in maxima veneratio: alioquin enim cur tam diligenter historici annotassent, unum, vel alterum verbum a Leone, vel Gregorio additum, si Canon esset recens, et ab aliquo privato homine, qui Scholasticus diceretur, institutus?

Terteria conjectura est, ipsa Ignoratio auctoris principiarum partium Canonis. Nam orationes illæ, quarum meminuit Ambrosius: « Quam oblationem », et: « Unde et memores », et ceteræ, si fuissent ab aliquo Romano Pontifice composta, certe aliquis historicus id prodidisset: si enim non omiserunt, quis alias particulas addiderit, quanto magis non omisissent, qui vias Pontificis scriperunt, quis totum fore Canonem composuerit? Relinquitur igitur, ut Canon sit omni memoria antiquior, et ab Apostolis, ut multa alia, per manus traditionem ad nos devenient. Neque obstat, quod in Canonе fit mentio Apostolorum, et Martyrum, qui primis trecentis annis floruerunt: nam ea nomina postea paulatim addita fuisse, dubium esse non potest.

Quarta conjectura est Walfridi, cap. 22. qui inde colligit Canonem esse antiquissimum, quia dum enumerantur Apostoli, non servatur ordo, qui est in Evangelio per Hieronymum emendatis: id enim argumento est, can partem Canonis prius fuisse compositam, quam a Hieronymo Evangeliorum codices Latini ad vetera exemplaria Graeca corrigerentur; ipse enim Hieronymus in prefatione Evangeliorum ad Damasum, testatur magnam fuisse in antiquis Latinis codicibus confusionem.

De veritate primæ orationis Canonis.

Nunc demum veritas Canonis demonstranda est, quod facile fieri, si ad ea respondeamus, que adversarii contra singulas preceps Canonis objicunt.

Prima igitur oratio Canonis, quæ incipit: « Te igitur, clementissime Pater, » extenditur usque ad illud: « Hanc igitur oblationem »; illud enim: « Memento, Domine », et illud: « Communicantes, et memoriam venerantes », non sunt diverse orationes, sed partes sunt primæ orationis, ut colligatur, tum ex conclusione, « Per eundem Dominum nostrum », que ponitur in fine harum omnium precum; tum etiam, quia illud: « Communicantes », non habaret ullum sensum, nisi continuaretur cum precedentibus verbis. Itaque prima oratio Canonis continet nomi-

na eorum, pro quibus offertur, et in quorum honorem offertur sacrificium, id est, mortarium, qui sunt in Ecclesia militanti, et etiam Sanctorum, qui cum Christo regnant in eis. Ac primum nominatur Ecclesia. Secundo, Papa. Tertio, Episcopus loci. Quarto, rex, in quibusdam Ecclesiis. Quinto, omnes Orthodoxi in genere. Sexto, particulares personæ, sed secreto. Septimo ei ultimo, S. Apostoli, et Martyres.

Ubi est observandum, orationem pro Ecclesia, haberi in omnibus Liturgiis, et ut supra ostendimus, nominatim id notatur ab Optato Mileviano, lib. 2. contra Parmenianum: sic etiam pro Episcopo loci, habetur in Liturgiis omnibus.

Paper nomen non habetur in antiquis Graecis Liturgiis, sed in Liturgia Chrysostomi a Leone Tusco latine redita, invenitur nomen Nicolai Papæ: ex quo intelligimus etiam Graecos posterioribus temporibus illud addere solitos. Apud Latinos videtur esse antiquissima consuetudo: nam non solum Alcuinus ante annos 800. in lib. de officiis, Canones explicans, meminit hujus rei, et causas reddit, cur post Ecclesiam subjungatur nomen Papæ; sed etiam Vasense Concilium ante annos 1100. celebratum, canon. 4. alias 6. constitut, ut in Gallicanis Ecclesiæ nomine Papæ Urbis Romæ in omnibus Missis recipetur.

Nomen regis recte etiam adjungitur in iis locis, quæ regibus subsunt: nam et Innocentius III. et Bonaventura in explicatione Canonis agnoscunt hanc vocem; et omnes antiquæ Liturgiæ id servant, et ex Apostolo, I Timoth. n. id colligunt Ambrosius lib. iv. de Sacramentis, cap. 4. et Augustinus epist. 59. ad Paulinum.

Quod sequitur: « Pro omnibus Orthodoxos », Micrologus cap. 43. script, esse superfluum et non haberit in emendationibus libris: tamen habebit apud Alcuinum loco notato, qui vixit 300. annis ante Micrologum, et apud Innocentius III et alias omnes; quo circiter usus ipso auctoritatem obtinuit, nec debet omitti. Intelligimus autem hic per omnes Orthodoxos ut sanctus Bonaventura exponit, non omnes omnino fidèles; tunc enim vere esset superflua haec particula, cum idem sit offerre pro tota Ecclesia, et omnibus Orthodoxis: sed omnes alios praeter Papam, Episcopum proprium, et regem proprium, ac si diceremus: Offerimus primo pro omni Ecclesia in universum, deinde in particulari pro Papa, pro